

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23), te Strategije razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“ broj: 3/21), Akcionog plana za implementaciju Strategije razvoja Zeničko-dobojskog kantona za period 2026.-2028. godina, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 125. sjednici, održanoj 17.04.2026. godine, d o n o s i

ZAKLJUČAK

I.

Daje se saglasnost na prijedlog Programa sufinansiranja osposobljavanja odraslih za potrebe tržišta rada Zeničko-dobojskog kantona u 2026. godini, Ministarstva za rad, socijalnu politiku i izbjeglice i Privredne komore Zeničko-dobojskog kantona.

II.

Ovlašćuje se ministar Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Program iz tačke I. ovog zaključka.

III.

Vlada Zeničko-dobojskog kantona će po davanju saglasnosti na Program, donijeti posebnu odluku o odobravanju sredstava za sufinansiranje istog, nakon čega će sredstva biti doznačena Privrednoj komori Zeničko-dobojskog kantona za realizaciju Programa.

IV.

Za realizaciju Programa zadužuju se Ministarstvo za rad, socijalnu politiku i izbjeglice i Privredna komora Zeničko-dobojskog kantona, svako u okviru svoje nadležnosti.

V.

Zaključak stupa na snagu danom donošenja.

Broj: 02-_____/26
Datum, 17.04.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za rad, socijalnu politiku i izbjeglice,
1x Privredna komora Zeničko-dobojskog kantona, putem Ministarstva,
1x a/a.

P R O G R A M

*sufinansiranja osposobljavanja odraslih za potrebe tržišta
rada Zeničko-dobojskog kantona u 2026. godini*

Zenica, april 2026. godine

1. Osnov za donošenje

U skladu sa Strategijom razvoja Zeničko-dobojskog kantona za period 2021.-2027. godina, Akcionim planom za implementaciju Strategije razvoja Zeničko-dobojskog kantona za period 2026.-2028. godina i Godišnjim planom rada Ministarstva za rad, socijalnu politiku i izbjeglice Zeničko-dobojskog kantona za 2026. godinu, Ministarstvo za rad, socijalnu politiku i izbjeglice (u daljem tekstu: Ministarstvo) i Privredna komora Zeničko-dobojskog kantona (u daljem tekstu: Komora) sačinili su „Program sufinansiranja obrazovanja odraslih za potrebe tržišta rada Zeničko-dobojskog kantona u 2026. godini“ (u daljem tekstu: Program).

2. Izvor finansiranja

Finansijska sredstva koja su potrebna za realizaciju Programa planirana su u iznosu od 232.000,00 KM, a koja će biti obezbijeđena od strane Vlade Zeničko-dobojskog kantona putem Ministarstva za rad, socijalnu politiku i izbjeglice Zeničko-dobojskog kantona u iznosu od 100.000,00 KM, Federalnog zavoda za zapošljavanje (u daljem tekstu: Zavod) u iznosu od 112.000,00 KM i Privredne komore Zeničko-dobojskog kantona u iznosu od 20.000,00 KM.

Nosilac realizacije ovog Programa je Privredna komora Zeničko-dobojskog kantona.

3. Cilj Programa

Glavni cilj Programa je unaprijediti sektor neformalnog obrazovanja i osposobljavanja odraslih u cilju povećanja konkurentnosti BiH privrede, kao i zapošljavanje u realnom sektoru.

Program se odnosi na neformalno obrazovanje odraslih u svrhu zapošljavanja za ciljana zanimanja u sljedećim sektorima:

- Metaloprerađivački za zanimanje zavarivač i CNC operater,
- Drvoprerađivački za zanimanje CNC operater,
- Građevinarski za zanimanje Obradivač plastike,
- Tekstilna, kože i obuće za zanimanje – šivač,
- Elektro sektor – električar.

Specifični cilj Programa je podsticanje osoba prijavljenih na evidenciji nezaposlenih na području Zeničko-dobojskog kantona na uključivanje u neformalne programe obrazovanja odraslih u svrhu zapošljavanja.

4. Ciljna grupa

Ciljna grupa su osobe prijavljene na evidenciju nezaposlenih na području Zeničko-dobojskog kantona -najmanje njih 35, bez obzira na stepen obrazovanja i starosnu dob, a koje će nakon prijave na Javni poziv proći teorijsku i praktičnu obuku za ciljana zanimanja, te ostvariti zaposlenje u kompanijama sa područja Zeničko-dobojskog kantona u trajanju od najmanje 4 mjeseca.

Javni poziv će biti objavljen na web stanicama Zeničko-dobojskog kantona, Privredne komore i JU Služba za zapošljavanje Zeničko-dobojskog kantona.

Program ne uključuje osobe čije je posljednje zaposlenje bilo u kompanijama u kojima se izvodi praktična obuka i zapošljavanje.

5. Sufinansiranje Programa

Programom je predviđeno sufinansiranje zapošljavanja polaznika obuke, osoba prijavljenih na evidenciju nezaposlenih na području Zeničko-dobojskog kantona koje su aplicirale na Javni poziv po ovom Programu i koje su odabrane da prođu teorijsku i praktičnu obuku, te budu zaposlene za ciljana zanimanja.

Sufinansiranje Programa se vrši na slijedeći način:

- a) Sredstva Ministarstva u iznosu od 100.000,00 KM, koriste se za sufinansiranje troškova, kako slijedi:
 - Troškovi zapošljavanja polaznika obuke i to 60.000,00 KM koji se refundiraju kompanijama koje su zaposlile polaznike obuke u trajanju od najmanje 4 mjeseca, za opravdane troškove, kako slijedi: troškovi neto plaće mentora u kompaniji, troškovi radnog materijala (sirovine) koji kompanije utroše na obuku polaznika obuke, troškovi toplog obroka polaznika obuke, troškovi prevoza polaznika obuke.
 - Troškovi administriranja Programa Komori ZDK i to 40.000,00 KM, za opravdane troškove, kako slijedi: troškovi neto plaće Projekt asistent - uposlenika Komore za finansijsko praćenje i izvještavanje u okviru Programa, dio režijskih troškova Komore nastalih u okviru Programa, dio troškova nabavke kancelarijskog materijala za Komoru nastalih u okviru Programa, troškovi putnih naloga uposlenika Komore tokom praćenja implementacije Programa (posjete školama kod kojih se izvodi teorijska obuka i troškovi posjeta kompanijama kod kojih se izvodi praktična obuka i zapošljavanje, dio troškova izrade edukativnog materijala polaznicima obuke, dio troškova izrade promotivnog materijala polaznicima obuke, troškovi izrade uvjerenja za polaznike obuke.
 - Ukoliko kompanije tokom implementacije Programa iskažu potrebu za uvođenjem novog zanimanja, pristupit će se njegovom razvoju i izradi programa osposobljavanja, u iznosu od 5.000 KM.
- b) Sredstva Zavoda u iznosu od 112.000,00 KM se koriste za sufinansiranje troškova, kako slijedi:
 - Troškovi zapošljavanja polaznika obuke, u iznosu od 112.000,00 KM, shodno propozicijama koje utvrdi Zavod.
- c) Sredstva Komore u iznosu od 20.000,00 KM se koriste za sufinansiranje troškova, kako slijedi:
 - Troškovi administriranja Programa od strane Komore, i to 20.000,00 KM, za opravdane troškove, kako slijedi: troškovi neto plaće Projekt menadžera - uposlenika Komore na administriranju u okviru Programa.

Tabelarni prikaz budžeta:

1.	Troškovi zapošljavanja polaznika obuke, prema kompanijama	60,000.00	n/a
2.	Troškovi administriranja Komore	40,000.00	n/a
*	Ukupna sredstva Ministarstva	n/a	100,000.00
4.	Troškovi zapošljavanja polaznika obuke	112,000.00	n/a
*	Ukupna sredstva Zavoda	n/a	112,000.00
5.	Troškovi administriranja Programa od strane Komore	20,000.00	n/a
*	Ukupna sredstva Komore	n/a	20,000.00
	UKUPNO:	232,000.00	232,000.00

Sufinansiranja Programa se provodi na slijedeći način:

- a) Plaćanje troškova teorijske obuke vrši Komora prema školama (čiji nastavnici realizuju teorijsku obuku) nakon završetka obuke za polaznike i dostavljanja finansijskog i narativnog izvještaja o uspješno realizovanoj obuci i položenom završnom ispitu kandidata.
- b) Plaćanje troškova praktične obuke i zapošljavanja vrši Komora prema kompanijama kod kojih se realizuju praktična obuka i zapošljavanje, nakon završetka obuke za polaznike i dostavljanja finansijskog i narativnog izvještaja, uz dokaz o zaposlenju polaznika u trajanju od najmanje 4 mjeseca (Obrazac JS3100, dokazi o isplati plata).
- c) Ukoliko kompanije iskažu potrebu za novim zanimanjem, troškovi razvoja i uvođenja programa osposobljavanja i pripadajućeg priručnika za to zanimanje biće finansirani sredstvima ovogodišnjeg Programa.
- d) Plaćanje troškova Komori za administriranje, finansijsko praćenje i izvještavanje o implementaciji Programa vrši se kontinuirano.

6. Način realizacije Programa

Nakon odobrenja sredstava od strane Ministarstva i Zavoda, Komora objavljuje dva javna poziva:

1. Za osobe prijavljene na evidenciju nezaposlenih na području Zeničko-dobojskog kantona koje žele proći teorijsku i praktičnu obuku za ciljana zanimanja i ostvariti zaposlenje.
2. Za kompanije kod kojih će se realizovati praktična obuka polaznika i kod kojih će polaznici biti zaposleni na period od najmanje četiri mjeseca.

Javni pozivi ostaju otvoreni do popunjavanja ukupnog broja odobrenih polaznika, koji neće biti manji od 35 osoba.

Komora potpisuje sa kompanijama Ugovor o saradnji, sa polaznicima obuke i kompanijama Sporazum o plaćanju obuke, te sa školama čiji nastavnici izvode obuku Ugovor o provođenju teorijske obuke, kojim se uređuju međusobna prava i obaveze uključenih strana.

Komora, zajedno sa kompanijom, učestvuje u izboru polaznika obuke nakon njihove prijave na Javni poziv.

Po završetku teorijske obuke u školama, koju prati Komora, škola provodi završni teorijski ispit i izdaje odgovarajuće uvjerenje. Nakon toga vrši se plaćanje prema školi.

Po završetku teorijske i praktične obuke, koja uključuje zapošljavanje u kompanijama u trajanju od najmanje četiri mjeseca, koje prati Komora, Komora izdaje uvjerenje polazniku da je uspješno završio kompletan program osposobljavanja odraslih za ciljno zanimanje.

Ukoliko kompanije iskažu interes za uvođenje novog zanimanja tokom implementacijskog perioda Programa, ono će biti razvijeno. Komora ima kapacitet za upravljanje postupkom pripreme Opisa zanimanja za utvrđene prioritetne poslove, kao i za istraživanje potreba tržišta rada. Program obuke za novo zanimanje biće razvijen, a zatim će se provesti postupak nabavke. U okviru tog postupka bit će izabrane osobe sa dugogodišnjim radnim iskustvom u oblasti srednjeg stručnog obrazovanja i/ili obrazovanja odraslih koje će kreirati traženi program obuke i pripremiti priručnik za novo zanimanje.

Uvođenje novog zanimanja u kratkom vremenskom roku, uz opravdane troškove, omogućit će diverzifikaciju na tržištu rada. Osiguranje kvalitete izvođenja obuke jedan je od glavnih

elemenata sistema, kako bi se postigli zajednički ciljevi i primijenili isti standardi u svim do sada razvijenim programima.

Komora tokom cijelog perioda implementacije Programa ima obavezu da na terenu provjerava način implementacije Programa, uključujući posjete kompanijama i provjeru relevantne dokumentacije i evidencija o realizaciji obuke.

7. Dostavljanje i provjera dokumentacije

Komora se obavezuje redovno obavještavati Ministarstvo o implementaciji Programa, i to najmanje jednom kvartalno od dana transfera sredstava Ministarstva prema Komori, te jednom po završetku Programskih aktivnosti, a najkasnije do 31.12.2026. godine, uz završni narativni i finansijski izvještaj o implementaciji Programa.

Izvještaj mora minimalno sadržavati: nazive kompanija uključenih u Program, imena odabranih polaznika obuke uz uvjerenje da su bili prijavljeni na evidenciju nezaposlenih na području Zeničko-dobojskog kantona, te obrazac JS3100.

8. Pravljanje i isplata ugovorenih sredstava

Po potpisivanju Ugovora, Komora će redovno pratiti utrošak sredstava Ministarstva i dostaviti Ministarstvu završni narativni i finansijski izvještaj o utrošku sredstava, najkasnije do 31.12.2026. godine.

9. Kontrola i praćenje izvršenja ugovorenih obaveza

Komora će kontinuirano pratiti realizaciju obaveza definisanih Programom. Ukoliko se praćenjem utvrdi da kompanije ili polaznici obuke ne ispunjavaju svoje obaveze utvrđene Ugovorom o saradnji ili Sporazumom o plaćanju obuke, Komora će pokrenuti postupak raskida Ugovora ili Sporazuma.

10. Izvještavanje Ministarstva o provedbi Programa

Komora je obavezna Ministarstvu po okončanju Programa dostaviti završni narativni i finansijski izvještaj o realizaciji Programa, uključujući efekte Programa, najkasnije do 31.12.2026. godine.

**Ministarstvo za rad, socijalnu
politiku i izbjeglice Zeničko-dobojskog
kantona**

MINISTAR

Antonio Šimunović

Broj: _____
Datum: _____ godine

**Privredna komora
Zeničko-dobojskog kantona**

PREDSJEDNICA

Diana Babić

Broj: _____
Datum: _____ godine